

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИ  
ДАВЛАТ ТЕСТ МАРКАЗИ

ПРЕСС-РЕЛИЗ

Тест синови ўтказишга оид давлат сиёсати: абитуриент ва педагог  
ходимларнинг чет тилини билиш даражасини баҳолаш

Тошкент - 2019

Давлат бошқарув органи: [Давлат тест маркази](#).

Манзили: [Тошкент шаҳар, Боғишамол кӯчаси, 12-уй.](#)

Телефон: [71-2351914](tel:71-2351914), факс: [71-2347184](tel:71-2347184), эл. почта: [info@dtm.uz](mailto:info@dtm.uz), веб-сайт: [www.dtm.uz](http://www.dtm.uz)

**2013-2019 йилларда Чет тилини билиш ва эгаллаш даражасини баҳолаш бошқармаси фаолияти. Ўзбекистон Республикаси Президентининг 2012 йил 10 декабрдаги ПҚ – 1875-сон Қарорига мувофиқ олиб борилган ишлар, миллий ва халқаро сертификатларнинг жорий этилиши юзасидан 2019 йилнинг 25 июль куни Миллий матбуот марказида матбуот анжумани ўтказилди.**

Тадбирда Давлат тест маркази бошқарма бошлиғи Раджабов Сардор Баҳтиёрович, бўлим бошлиқлари Ураева Эльвира Усмановна, Азизов Хусан Хабибуллаевичлар иштирок этдилар. Давра сұхбати давомида жорий йилда Чет тилини билиш ва эгаллаш даражасини баҳолаш бошқармаси томонидан ўтказилган тест синовлари, шунингдек, абитуриентлар ва педагог ходимлар учун чет тилларидан малака сертификати бериш бўйича олиб борилган таҳлиллар, бу йўлда халқаро ҳамкорликлар юзасидан ахборот берилди. Тадбир давомида қуидагилар маълум қилинди:

1. Абитуриентлар ва педагог ходимлар учун чет тилларидан малака сертификати бериш таҳлили (слайд);

2. Чет тилларидан тест саволлари сифатини ошириш мақсадида доимий равишда Британия Кенгаши, Гёте институти, Oxford University Press, Cambridge Assessment ва бошқа халқаро ташкилотлар билан ҳамкорликда ишлаб келинаётганлиги, Гёте институти ва Давлат тест маркази томонидан имзоланган меморандум, меморандум доирасида Германия Федератив Республикаси Гёте институтидан мутахассислар жалб қилинаётганлиги ва улар томонидан Давлат тест маркази мутахассислари учун семинар машғулотлари ўтказилаётганлиги бўйича маълумотлар:

2019 йил 4 февраль куни Давлат тест маркази директори М.Каримов бошчилигига Британия Кенгашининг тил қўнималарини баҳолаш бўйича мутахассислари билан Давлат тест маркази биносида учрашув ўтказилди. Учрашувда Британия Кенгашининг эксперти Виктория Кларк, Антоанета Йорданова, Британия Кенгашининг Ўзбекистондаги ваколатхонаси директори ўринбосари Жамила Гулямова, имтиҳонлар бўлими менежери Гульноза Наджмиддинова, ҳамкорлар билан ишлаш бўйича менежер Эмине Шейхаметовалар қатнашди.

2019 йил 7-8 февраль кунлари Давлат тест маркази биносида Британия Кенгашининг эксперти Виктория Кларк томонидан амалий семинар ўтказилди.

Семинарда саволлар базасини яратиш, уларни белгиланган даражага мослигини текшириш ва таҳлил қилиш тўғрисида Давлат тест маркази мутахассисларига маълумотлар бериб ўтилди.

Бир неча маротаба Cambridge assessment english ташкилоти билан видео конференциялар ўтказилди ва жорий йилнинг апрель ойида Давлат тест маркази мутахассислари малакасини ошириш учун Cambridge assessment english ташкилоти икки нафар мутахассиси Тошкент шаҳрига таклиф қилинди. Бир ҳафта давомида хорижий мутахассислар томонидан амалий семинар ўтказилди.

Тошкентдаги Гёте институти билан имзоланган меморандум доирасида Давлат тест маркази директори М.Каримов бошчилигига делегация Германия Федератив Республикасининг Берлин шаҳрида жорий йилнинг апрель ойида бўлиб қайтди. Сафар давомида делегация аъзолари Германиянинг таълим тизими билан тўлиқ таниширилди.

Бошқарма бош мутахассиси Наргиза Юсупова Гёте институти томонидан, Германиянинг DSD ташкилоти томонидан ташкил этилган семинарларда иштирок этди.

Ташқи ишлар вазирлигига Давлат тест маркази эксперлари учун семинарлар ташкил этишда амалий ёрдам беришлари учун муружаат қилинди. Ҳозирги кунда ТИВ томонидан малака ошириш курсларини ташкил этиш бўйича ишлар олиб борилмоқда.

Жорий йилнинг 21-23 март кунлари Мексиканинг Мехико шаҳрида (Universidad Ibero americana Ciudad de México) биринчи маротаба Британия Кенгашининг Лотин Америкасидаги “Инглиз тилини билиш дараажасини баҳолашда янги юналишларни ривожлантириш” мавзуида Форуми ўтди.

Бундай катта нуфузли тадбирда ilk маротаба Давлат тест марказининг вакили Чет тилини билиш ва эгаллаш дараажасини баҳолаш бошқармаси бош мутахассиси Ойбек Ганиев ўз маъruzasi билан иштирок этди ҳамда “Чет тилини билиш ва эгаллаш дараажасини баҳолаш миллий тест тизимининг ривожланиш истиқболлари” номли презентациясини тақдим этди. Маъруза ва презентация чет мутахассисларида катта қизиқиш уйғотди. Шунингдек, статистик маълумотлар ҳам Форум қатнашчиларига фаолият тўғрисида янада яхшироқ тасаввурига эга бўлишларига ёрдам берди.

Ҳозирги кунда Давлат тест маркази немис тили мутахассиси Австриянинг Вена шаҳрида бўлиб ўтаётган семинарда қатнашиш учун хизмат сафарига юборилган.

Тест синовларидан мувафақиятли ўта олмаган ўқитувчилар тақорий имтиҳонни 6 ой кутишлари керак бўлмоқда. Бу вақт ичida базавий ойлик маошларига қўшиладиган 15-30% миқдоридаги устама пулинин олиш имкониятлари йўқолмоқда.

Бу ҳолатни инобатга олган ҳолда, Британия Кенгashi билан ҳамкорлик доирасида “APTIS for teachers” тестларини ташкил қилиш ва ўтказиш бўйича музокаралар олиб борилмоқда.

“APTIS for teachers” тестлари Давлат тест маркази томонидан ҳар ойда бир маротаба ўтказиш ҳамда натижалар Буюк Британия мутахассислари томонидан текширилиши ва З кунда эълон қилиш режалаштирилмоқда.

3. Чет тилини билиш ва эгаллаш дараажасини аниқлаш ҳамда давлат намунасидаги малака сертификат бериш, чет тиллари бўйича олинган сертификатлар педагог кадрларга моддий рафбат бўйича яхши имконият бериши, абитуриентларга сертификат олган чет тили фанидан тест синовларига кирмаган ҳолда максимал балл берилиши бўйича ахборот:

Республика таълим муассасаларида фаолият олиб бораётган педагоглар, шунингдек, абитуриентлар учун тегишли чет тили бўйича сертификатга эга бўлиш борасида бир қатор енгилликлар тақдим этилган. Хусусан, аризани онлайн

бериш, имтиҳонларни номзодлар яшаш жойларида ўтказиш, талабларни бажарган номзодларга сертификатни яшаш жойларига юбориш ва бошқалар шулар жумласидандир. Бошқарма томонидан йил давомида номзодлардан онлайн ариза қабул қилиш, шахсий кабинетда ишлашларига амалий ёрдам бериш, маслаҳатлар бериш, чет тиллари кесимида рўйхатларни шакллантириш, номзодлар натижаларини веб-сайтлар орқали эълон қилиш ишлари амалга оширилмоқда.

Ўзбекистон Республикаси Вазирлар Маҳкамасининг “Олий таълим муассасаларига ўқишига қабул қилишда миллий ҳамда халқаро баҳолаш тизимлари сертификатларини татбиқ қилиш чора-тадбирлари тўғрисида” 2019 йил 13 майдаги 395-сон қарорига мувофиқ, миллий ёки халқаро сертификатга эга бўлган талабгорларга кириш имтиҳонларида имтиёз бериш ва уларни чет тили фани имтиҳонидан озод қилиш белгиланган.

Жумладан, 2019/2020 ўқув йилидан бошлаб тест синовлари мажмуасига чет тили биринчи (асосий) фан сифатида киритилган бакалавриат таълим йўналишларига ҳужжат топширган ва Давлат тест маркази томонидан бериладиган чет тилини билиш даражаси тўғрисидаги сертификат ёки халқаро сертификатнинг B2 ваундан юқорида даражасига эга бўлганлар, тест синовлари мажмуасига чет тили биринчи (асосий) бўлмаган фан сифатида киритилган бошқа бакалавриат таълим йўналишларига (Тошкент давлат юридик университети бакалавриат таълим йўналишлари бундан мустасно) ҳужжат топширган ва миллий ёки халқаро сертификатнинг B1 ваундан юқори даражасига эга бўлган абитуриентларга ушбу фандан имтиҳонларсиз белгиланган максимал балл берилиши белгилаб қўйилган.

Ўзбекистон Республикаси Вазирлар Маҳкамасининг “Вазирлар Маҳкамасининг «халқ таълими ходимлари меҳнатига ҳақ тўлаш шартларини тартибга солиш тўғрисида» 1994 йил 29 сентябрдаги 490-сон қарорига ўзгартириш ва қўшимчалар киритиш ҳақида”ги 2013 йил 19 апрелдаги 109-сон қарорига мувофиқ Давлат тест марказидан тегишли маълумотномага эга бўлган ва бошқа талабларни бажарган ўқитувчиларга базавий лавозим маошларига 15-30% устама белгиланиши кўзда тутилган.

*Давлат тест маркази*